

憶
漫
庵
賸
稿

憶漫菴賸稿

秋室 余集

題蘇德水師照

東浙連江右頻揮宓子琴惠孚緣學道政拙爲存心棠
舍陰猶在輿歌誦益深如何書下考此意付孤斟

四度分秋梭三年肆講帷驚湖標月指庾嶺發春枝義
利心源濬虛明朗鑑披秦黃吾不逮慚愧廿年知

弓冶明忠節文章宋長公講堂多化雨歸橐有清風一
邑身寧重千秋道自同好音應獨嗣絕學振關中

蘭溪曾弭節驛路向蕭晨風樹雙懸泪扁舟獨客身如

何前夢杳驚見鬢絲新好在重攜手親題玉局真

沈匏尊納姬詞

窄衫短髻夜堂逢競說胭脂北地濃前日香廚調芍藥
一朝明鏡看芙蓉長條寧許攀韓翊疊騎何勞走仲容
不信鳳城寒太劇泥人乍可是初冬

水晶簾影畫情惜旭日房櫳曲巷深定卜宜男榮玉砌

絕憐共命效文禽青袍中酒尋常事

沈方
失解

團扇籠愁風

夜心怪底帶圍窻似削花間幾度費沈吟

題仕女

春愁脈脈濃於酒暝日遲遲永似年昨夜東風吹夢雨

海棠紅退十分妍

滑承芳同年望雲圖

青青陵上柏鬱鬱松間墓寂寂墓中人杳杳卽長暮白
雲何多情時與潁陽駐豈有戀山心飄風吹不去以茲
勞寸衷迴望起遐慕

遐慕夫如何駕言事明發胡爲離岫雲不讓征鞍疾子
爲祿養游雲爲霖雨出霖雨會有期幽宮閉白日鬱紆
寸草心難與白雲說

出岫還有時棄養追不返況復辭松楸小草卑可免不
羞升斗微但傷升斗晚深情託丹青面有鉛淚潛祇益

王褒悲寧爲狄公行

沈匏尊赴黔

菽圃何人寫八分蠶頭隼尾太紕紛遠追鍾蔡裁韓李
眼底英雄獨使君

匏尊常爲

本朝八分品

黔中君去新從政湖上儂歸曉看山一樣別懷何所似
白雲同出不同還

三硯齋同老屋連過從風雨近三年遙知後儀尊前思
多在春明夢裏天

桐君美吳孝子也孝子名文樸嚴州人孫江以計
偕來京乞詩迺賦

桐君之山聖水出焉山峙水渟篤生哲賢一賢哲之生

時維吳公桐江之濱有聲隆隆二厥聲謂何匪名之赫

匪爵之榮匪學之碩三公有庸行修於門內父母昆弟

人言不倍四遘親之憂幾喪其明承祖之養若考之將

五 昉昉我田以瞻邦族翼翼我廟以奠羣穆六歲則有

歉里無流亡公之餘力爲朝廷助七叔則有子雛也而

殫公之孝思不匱以錫八其德之光宜躬之昌胡困於

衿登天無杭九登天無杭亦曰命只好修不怠尙終兢

只十蘭之秀矣必馨於山鶴之鳴矣必聞於天十一桓桓

綽楔高垣之村煌煌褒章延陵之門十二況也昨歲鹿鳴

於原言食其華孝子之孫三十孝子之孫來游來歌陳爾

令德如山如河四十我有彤管不曲不諛書告惇史爲士

也模五十

大士像贊

秦端崖求畫時以事懼株連駭浪驚濤秦札中語也

駭浪驚濤如履平地以何因緣迺得如是憑自在力而觀其心我心湛然一葉可乘

爲陸白齋題麓臺畫

款識模糊墨不新中丞妙鑒昔如神不須更用司農印

獨有探微是解人

白齋所藏司農畫皆無款印

麓臺做雲林

倪迂畫本李思訓勾斫中含渴筆皴試看司農心印在
始知買櫝笑時人

麓臺青山紅樹

白雲紅樹兩悠悠收盡江南一段秋何日名韉渾脫卻
好隨鷗鷺占林邱

麓臺做大癡天池石壁

孫退谷云大癡石壁圖筆力渾厚皴法如鐵綫爲其最
得意之作麓臺此幅以意仿之而氣象雄深迺能於大
癡外自樹赤幟洵爲傑作寧止買王得羊而已

麓臺仿曹雲西松竹歲寒

此幅麓臺仿曹雲西法用筆峭削林木堅瘦凜然有嚴
冬寒肅之氣非麓臺本色

爲屠生畫扇

白雲黃葉兩紛飛策杖閒來上翠微
貪向秋原看落日不知冷翠濕人衣

題畫扇

百磴危厓聳碧岑捫蘿躡蹻翠忒幽
尋更無徑路通軒冕只有山花自古
今雲嬾渾忘扇霽色水間作意弄清
音危闌倚遍休歸去好看前溪晚又
陰

孫友探梅小照

冰霜鍊骨玉爲肌纔見橫厓又繞籬入世心腸元冷淡
照人標格太離奇枝頭粉重雲猶妒空裏香來風未知
不是南鄰驚破萼先生高臥已多時

畫蘭竹仿長蘅

蘭開笑口如嬌女竹播清風似德人借問阿誰工寫影
檀園當日妙傳神

畫月中桃花

舊時月色微微在前度桃花冉冉紅我有閒愁銷不得
一春惆悵向東風

題沙君遺照應其嗣君之請也

秀州人

三十年前夢幻身讀書無路上青口雪泥畱得飛鴻影
羸取佳兒感喟頻

無端遺照到江城乞與新詩爲品評莫道平生不相識
論交異代倍情親

方宜軒明府山靜日長小冊

梯雲才躡冶城關便聽清聲頌百蠻玉佩霞衣森氣象
使君疑對武夷山

放衙初罷理吟箋官閣榕陰綠到天悟徹南陽寧靜旨
何曾冷坐學枯禪

海市魚鹽食貨羸嶠田三月已催耕鶴林玉露唐庚句

寫出時和政肅清

金昆玉季好風標夢斷春明屬念遙好在三山新握手
蠻烟瘴雨意都消

陳未廬點易照

蕭蕭木落艸衰時滴露研朱手自披坎止流行關大化
天心月脅見真機但看寒谷饒春意已逗踈香到玉肌
卻笑昔年陳正字閉門覓句太支離

鴻聲燕羽兩迢迢湖上分襟十載遙小影驚看梅共瘦
新詩應許雪同標黃蕉丹荔人初到綠酒紅燈意也消
珍重壺公山色好他年攜手話今宵

范玉亭明府照

縹緗世業舊蓬瀛

尊甫達齋先生館中前輩也

捧檄南來政有聲昨

日下車成莞爾弦歌早已徧春城

時方試童子

山色壺公水薛公此邦文獻昔稱雄願將後樂先憂意
寫入南薰雅律中

好雨隨車四野多躋堂朋酒慶清和

四月朔日君初度

與人誦

比封人好手把幽風仔細哦

銅石臨天眼界寬清琴有譜頌聲歡南來未信成虛擲
況是蘭熏荔子丹

史山輝看奕圖

消受東風一日閒
文楸較奕看雙鬟
百年多少長安事
只在深閨落子間

悄悄庭院永於年
當局爭誇一著先
局外不妨頻斂手
敗殊可喜勝欣然

閒尋玉局揜紅袖
不爲金釵露指尖
清簟疎簾看未足
楚天雲雨興應添

山中看奕仙難覓
墅上圍棋跡已陳
最是池塘梅雨後
燈花輕落正懷人

鮑生志祖以重價購得宋拓晉唐人法帖一冊索

跋題二絕句

莫將寒具輕相觸日向晴窗展百回異日若逢華蓋叟
人間瓊蠟盡輿臺

菽苑爭傳阿父痴典衣求古日孜孜而今弓冶知攸屬
不數敷文米虎兒

過康山草堂東江鶴亭并懷武功

雨約寒潮駐客航興來蠟屐到雲岡窗移帆影涵光白
秋老霜柯點葉黃小結烟蘿高士宅平分風月醉翁堂
主人座有生花筆草草題詩媿報章

琵琶軼事舊知名入座疑聞唱歎聲可惜奇才同賈傅
絕憐異代住蘭成隔江山色延青迴繞郭人家列檻平

雲物卽今供眺賞底須落日賦蕪城

南田畫卷爲鄒曉屏題畫無款識乃殘刺所作云

舟中無紙

作畫有畫所舟行益精絕旣鮮人事潤更借雲水潔解
事南田翁歸棹清興發鞮材賸半刺青山寫一髮平林
沒遠渡野舍出霜樾欵乃若有聲山漾尺紙勃流落向
人間不知幾代閱曉屏我同館寶愛紛入骨拂拭亟裝
池什襲裹緇帙晴窗互展讀淪茗恣評說遙想十幅蒲
要我一言跋同舟羨當年蓬櫂看點筆

汪槐塘壽詩

徵士醜然有道儒吾鄉星鳳士林模規懸義路心先折
輪斲騷壇手自扶杆軸光明七裏錦蟠挈磊落五車書
調膈幕府分餘瀝斧藻湖山信碩膚晚有精神在風月
早知軒冕狎泥塗十年不接春風杖昨歲重披愛竹圖
先生有嗜酒
愛修竹小照魯殿嵯峨成獨屹喬松天矯老寧枯壽尊
天末無由共遠寄新詩媿小巫

銅硯歌爲吳念湖作 硯出易水土中

長虹夜半芒貫月易水秋寒風瑟瑟壯士當年金石心
化作丸丸久盤鬱奇光不肖老荒土照野熊熊氣蓬勃
鬼哭怪破坤輿慳農愁欲飽霜鋤鐵不嫌黯淡瀋淋漓

尙帶鏗鉤聲詰訕皮裏青銅肉紫瑤紅絲土碧爭相發
銅腥疇敢強啣點濡染疑憑石交力良朋持贈到山房
比似瓊球加什襲大書餓隸署榜額細寫形模試鉛筆
自署齋曰銅硯
更屬人寫圖 吳侯春藻冰雪清墨戲嶙峋尤縱逸掀
髯奉檄到蓬萊自是身無凡吏骨醉寫琅玕百幅強踢
倒沙彌僵石室此時此硯如有神芒角槎枒紛欲出

西舫和王笠人侍御

載酒吳艘舊夢餘眼前突兀忽低於琉璃影滑窗虛處
荇藻紋橫月上初錄著石湖名偶稱齋題畫舫筆誰如
范成大
公有書畫舫齋西舫額迺僕書 揭來便有天隨興釣具

漁經擬和子

雲母文疏飾豈徒相看心跡已仙乎移來頗怪莊生壑
照處疑投玉女壺過雁曉迷依荻浦聽鍾晚泊憶姑蘇
此心欲逐蓬櫂發幾點春星挂屋隅

年來乘月聽鳴梢深淺隨宜欲賦匏燕舊識君重築壘

鳩今如我務安巢

僕將移居

浮生未信山藏澤世事真疑路

有均草草酬詩還自笑不材難免叔孫嘲

用魯語叔向事

山夜聞鐘

嵐光當夕歛鐘響隔山颺烟重清音出雲深古寺藏冷
和泉共咽幽逐雁俱翔蠡口還疑石豐山不待霜暗隨

殘漏斷遙趣客帆張晃蕩空林外悠揚野渡旁杜陵深
省發淮海道心長何似依丹禁鳴珂候景陽

松不栖蟬

松谷盤根古涼蟬寄迹微一枝雖可借百尺總相違森
木鳴方亂喬柯蛻定稀應知虬作幹惟許鶴相依高柳
無窮碧疎槐任意飛曳殘聽乍咽擇木計還非本以高
難託寧嫌綠未肥華林調長養清蔭卻炎威

盆梅

悠悠芳訊隔重湖瞥見尊前玉一株遠道竭來驚歲晚
故園別後覺神癯膽瓶敢許橫枝好髣几偏宜獨座娛

止竟山中標格在未任約束笑林逋

不老空山不傍溪翠禽未許近枝啼樓東玉瘦春猶恨
漠北魂歸月已低影入小窗添畫格香浮紙帳得詩題
孤根差較逾淮橘爲帶鄉園淺淺泥

檢校江南幾信風冰肌初逗曲屏中一卷石約疎枝瘦
數點春偷小萼紅品格全教燈影攝清芬疑入酒杯融
上元時候唐花好未抵瓊英任化工

花開不信總興僮誰遣江南絕艷來短艇遠和山月載
小窗晚趁暖烟栽雖無拂水橫雲格仍有涵冰嚼雪懷
若置水仙南竹畔分明畫向歲朝開

雨宿澄懷園

老屋依清禁，新蘿拂翠陰。
連宵成對榻，吾黨自同林。
漠漠雨初歇，遲遲春已深。
追陪愜幽興，寧有羨魚心。

澄懷園晚步用前韻

乘間三日住，取次到花陰。
逐絮風侵戶，沾衣雨在林。
平橋輿過穩，淺草鳴藏深。
欲向閒雲外，商量出處心。

澄懷園餞春用前韻

次日立夏

似惜經年別，輕雲釀夕陰。
綠濃剛覆屋，紅困欲辭林。
泥有幽人共，寧嫌酒盞深。
紅園櫻笋熟，晚晚最關心。

王西園席上看芍藥再用前韻

書几排紅玉紗幙鄣午陰翻階呈艷句入座到香林別

思尊前覺

西峰耦堂史亭芝雲皆有易州之行

花光燭底深逢春應共惜

珍重主人心

戴芭塘聽秋卷

長安六月炎歊烝我欲赤腳無層冰虛堂晝眠蠅可憎
淫雨況挾愁雲升歛忽庭宇來秋聲蕭蕭爽籟高天澄
是誰丹青好畫手林均兀坐吟秋叟綠筠搖碧懸泉飛
看取蒼龍中夜吼聞君擅寫湘江綠墨迹水痕千萬幅
風生腕底秋更清何處人間有煩溽

陳寶所給諫卷子

黃葉打屋風入扉冷官寒巷客到稀
穎川黃門早見訪
朝衫乍卸馬不韉自言老病百事廢
新詩到眼猶能披
袖有丹青小行看規範玉雪瘦不肥
竹聲蕭蕭泉泚泚
畫上寒綠猶侵衣盤陀冷坐自瀟灑
攜琴洗硯勞雙奚
黃門昔年面如玉黃門之詩清可讀
妍辭藥省早驚座
諫艸霜臺屢削牘胡爲一病便抽簪
天欲益君無事福
嗟哉人生苦局促閒鷗笑人歸不速
湖上無田亦已矣
頗欲相隨結茅屋

汪龍莊明府秋燈校字卷

蘆簾紙閣霜風涼青燈耿耿寒無光
主人挾冊臨秋窗

羅列羣籍紛丹黃不秉高燭娛華堂不張長檠醉洞房
長編細字獨相浹快比秋庭除積葉兀兀何曾讐古人
誤書我思亦自慙今朝馳馬向天末打鼓排衙作生活
短檠牆角愁世事欲借韓公詩一喝

黃翠箇滌硯圖

居肆商執業學稼須謀田不如保片石惡歲無凶年拂
拭重拂拭珍比金珠璇微塵慮黝黯積墨傷清妍臨流
發古篋持向清湍湔紅絲煥彩色碧眼逾新鮮良友比
親暱師儒資磨研平生石交意惟此同精堅高文麗錦
綺妙翰揮雲煙一生用不竭貽我後嗣賢籙金與廣宅

於人何有焉側聞王子敬故物乃青瑣

殘菊和瑤華道人韻

秋光老去太微茫淺帶殘陽菊影黃一把支離無俗骨
十分冷淡稱詩腸蘆明秋雪同萍寄楓冷江波足雁行
偏愛芳菲驚歲晚嬾教青女試濃霜

寂歷柴桑結賞音一尊時與破蕭森誰憐晚節依秋圃
猶有閒情上翠簪鳳子未容喧暖晝杞苗相與伴寒泔
卻看夕秀依然振徒抱先冬一片心

晚晚詩情未易撩蕭辰獨惜朔風驕九秋剩有孤尊對
三徑欣無俗客招蕊綻金英香乍冷葉翻鳳翮翠猶翹

西風繡幕人依約瘦影俛停感寂寥

花與詩人別有因一番吟賞一番新已孤卜宅歸來約
倍惜登臺故國身香淡銅彝歸淨業影疎粉壁借冰輪
頽唐略似陶彭澤晚向籬東醉臥頻

畫石菖蒲應

皇六子教辱賜以詩謹次韻奉荅

虛堂積雨霽移日清談淹古香穠祕冊秀色涵疎簾織
枝托星精作作寒芒鋤萌抽鋪翠蜀穎豎森勾尖石銚
互排拶井花養清恬芳旣發神智冷欲蠲曦炎綠髮淨
珉盃青膚濯涼蟾鬢髮類絡鬢披拂疑騰鶴小草久螻

屈一朝發蚪潛爬剔造雲陛彝鼎陪清殿主人雅好事
冲衿下士謙斐然浩獨倡莞爾謀裁縑仙姿寫粉本石
黛陳文匱圖此以昌氣一洗羣花甜所嗟筆力弱蛇足
徒朝添

董東山畫梅帳沿歌

帝京千里無梅花忽驚身到林逋家珠香玉暖千萬顆
尙書妙墨開寒葩尙書之畫富天上吉光流落人間誇
長縑短楮競什襲搜羅乃到蚊幬紗昔年何人清夢好
今朝好事衰池佳酒醒月暗參斗斜寒衾布被枝交加
美人掩冉來天涯但欠翠羽啼楂楂華光无咎久不作

後來俗史如塗鴉豈如此畫有清氣冷偏肝膽無由邪
梅花如故公登霞安得女倡爲我歌傳芭

盆桂和瑤華韻

紛紅駭綠太紛紜開到天香便軼羣碧月樓臺純是影
涼秋世界但流芬嶺頭有客耽吟句天上何人欲運斤
芳苑不妨題綠畫恍疑萬斛夢中間

宋張功甫綠
畫軒多植桂

黃蘗移得碧枝攢金屑霏英細蕊丹也破紅塵勞驛騎
卻先黃菊鬪初寒分無素手頻簪髻臍檢靈函與治肝

桂平
肝氣

猛憶星辰憐昨夜畫堂促坐又重看

西風吹雨到亭林冷落姮娥夜夜心盪越欲開金粟界

連蟾如結小山陰，香分蟾窟驚疇昔。酒載龍洲感自今。
劉龍洲詞欲買桂花重載酒終不似少年游 惟有清輝仍照樹，芳情晚晚豈

堪尋

休論竹醉與蕉迷，纔到香林迹欲稽。入座衣沾仙露濕，
托根地與閩風齊。好分瓊蕊來雲棟，難禁秋思落綺闥。
珠玉詩成散清馥，敢隨香艸鬪新題。

陸邁祖銓餘杭廣文用東坡徑山詩韻畱別卽次
韻送之

朔風吹沙欲成山，頽陽淡淡浮平川。居人墜戶霜滑馬，
有客稅駕行將旋。自言北來不稱意，玉終抱璞珠淪淵。

一官籍注文學掾學舍橫踞天目巔我聞此邑具勝槩
琳宮紺宇浮青蓮山垂兩乳自奔赴鳳皇軒舉龍蜿蜒
策杖徑選福地勝咒石許問枯僧禪近來仕途苦狹隘
鳥驚雷駭趨金錢馬蹄得得逞疾走雞聲喔喔勞清眠
豈如吾兄獨超曠沈者任魚升任鳶釣艇天隨恣出沒
茗爐桑苧供烹煎歸去苜蓿不嫌冷君恩到處皆安
便我不羨君得官羨君進退殊悠然自歎書生今老
去尋章摘句空年年

花間堂臨松雪文賦題後

一波一磔皆精神妙蹟直偪鷗波真諦觀楮素烟霞新

始知吹落花間雲，駸駸欲度右將軍。豈徒規仿天水君，
文賦千言偶揮灑。辭條筆陣矜模楷，想見南窗縱墨時。
涼風習習炎歊解，裝成展讀窮朝暮。寒具油痕那敢澆，
要煩好手伏靈芝。壽以貞珉慰餘慕。

除夕前三日晝東坡承天夜游圖寄瑤華道人辱
題七言古詩見示卽次韻荅之

秋室居士茨檐人閉戶，哦詩較僧冷歲除。且讀東坡詩，
巨壑修虵行自警。興到摹寫承天游，冠履依稀神獨永。
竹柏模糊斜漏月，堂前突兀開詩境。圖成獻之瑤華堂，
瞥眼新篇驚脫穎。我慚祇寫東坡貌，未抵君詩筆尤逞。

鬲翁意匠離合間豈但謀篇誇暇整新年作此淡泊緣
未許他人趣同領詩耶畫耶如有神欲向裝池謀合併
雪堂仙去漫千年痴人猶覓飛鴻影

王芳谷畫四時讀書冊子

芳谷近來之石谷日費隄廩畫林麓煙雲腕底不唐捐
肯許庸夫收尺幅竭來哦詩擬紫陽卻寫幽人四時讀
春風嫋嫋花吹香夏木陰陰水鳴玉秋空明月已入幃
冬老梅花猶繞屋一年何日廢歡歌一身何地非庠塾
但教經史別剛柔不妨憤樂忘寒燠人生好學斯爲福
略借丹青相勉勗若將此圖張座右老夫顏變先增慙

我今轉媿轉自笑此事大難當問僕平生亦是媚學人
寒餓一生空鹿鹿撐腸易得五千卷果腹難謀三百斛
乞君再寫力耕圖飽食從容理編牘

爲羅兩峰題冬心遺照

昔耶處士今作古三絕人方鄭司戶杭州拋卻住揚州
佛火一龕空退俛官堂無子讀遺編入室有人傳畫譜
就中獨數羅江東天機清妙將無同持來遺照昨示我
譬欬欲出衣冠中自題尙在人間世多情泥雪畱飛鴻
我不見公三十載心儀杖履春風在老成雨絕已潸然
何況他年隔人代

呂祖像贊

大哉祖師元妙莫測騎鯨遨遊汗漫八極鯨汝何物疑
劍所化一躍平津雲濤盪瀉持問祖師師曰不不我劍
無靈乃汝之筆

法時帆詩龕

杜陵老屋秋風敗玉川數間廢幾載宛邱之舍小於舟
打頭屢被旁人怪無多僂指詩人廬突兀詩龕眼前在
龕中之人清且臞承明著作卑嚴徐生平饋食一詩卷
六時清課同僧廬上窮漢魏俛三唐屈指誰登作者堂
禮樂百王同進退風騷壇上麾旌幢精神夜半忽貫月

熊熊疑是長虹芒先生之詩日以昌先生之居日以荒
狂吟高唱振屋梁吐帷注面庸何傷近來朝士營華屋
房櫳窈窕迴廊曲美人狎客娛高堂長檠照座凝絲竹
百年光景亦易歇斂手楸枰碁一局松樹街頭環堵宮
付與時人較異同

法時帆溪橋尋句卷子

野桃含笑竹籬短溪柳自搖沙水清借得東坡舊詩句
題君畫幅似天成

斜倚水開花有思緩隨風轉柳如癡今朝讀畫如逢舊
又是天然介甫詩

錢君養竹圖

人言種樹好動輒十年計不如移野竹便有篔簹意龍
脫春雷縹鸞曳春雨翠今年葉埽空來歲雲覆地養成
珊瑚竿好掣鱷鼈背養成冷淪筍好協鳳皇吹況有清
風來不假蒼官配誅茅此結屋橫榻但宴對武昌有續
書王猷許交臂

九月七日風雨寒甚卽事

風吹涼雨應蕭辰秋老霜螯取次新老去頽唐似彭澤
不知世有白衣人

新寒一夜到衾裯落葉堆牆欲餞秋我見黃花如晚蝶

不須明日早生愁

江西熊茂軒進士哀詞題後

富貴從來草頭露功名原是眼前花
人間尙有劉蕡傳說與羣賢免歎嗟

馮侍御培種竹圖

清風肅肅搖窗扉綠雲冉冉沾人衣
窗前寒碧森參差侍御手植琅玕姿
竹醉恰當五月時況挾雷雨春泥滋
君無俗骨那用醫但覺歎咏適所宜
京師昔年玉一枝珍如青鳳翔庭墀
烟梢露葉作青眼便煩好手來題詩
近來玉燭調衡璣物性暗隨風土移
此君心虛得氣早

已先淮橘投葛陂黃金臺作貧籥谷柏府行續坡仙詞
風霜可折不可辱此意與君同總持明年長鞭走屋角
新筍綳脫蒼龍兒徑須一參玉版師平生我亦王徽之
瑤華道人醉墨軒

沈酣妙翰如中酒此趣求之古人有我聞艸聖石蒼舒
新詩紀自眉山叟主人開軒名偶同邀我題詩繼坡後
下方羅趙僕未能上媿鍾張君可偶自言頗得此中趣
略似酒人杯在手楮生在左墨卿右浮生此外知誰某
人因痴絕擬虎頭公云無事同犀首揮盡百昏如風翻
日捉蟾蜍磨一斗食葉春蠶細有聲奔泉渴驥馳難紐

何嘗惜墨如惜金正復運毫如運帚矮紙欹斜不計行
況有芭蕉替麥光願從洗硯看盤礴力疾來題醉墨堂

題白蓮女史畫竹

羅小峰之母

白蓮手拊青鸞翼絳妃召返瑤池側襪褪翠影落人間
化作琅玕萬條碧短幅蕭騷千畝強橫偃斜欹若排戟
雨晴風露各有態脈望雖飢不敢蝕令子殷勤好藏護
泪痕猶染湘江色吁嗟乎慈竹凋殘已幾時龍孫今露
拂雲姿前朝卻笑鷗波侶空教人嘲倒好嬉

彭芸楣相公邸第有文官果一株試花時卽以命
題課同館余圖之扇頭并綴小詩呈彭

芳根猶喜擅詞場一穗分來綠野堂未薦金盤侈衛霍
先開玉蕊壓唐昌三台槐許分清塵九錫蘭應接末行
芸館詩成饒白雪寫生端自愧徐黃

黃小松得碑十二圖冊

丁丁響搗破蒼茫半在荒祠廢隴旁一自搜羅歸著錄
不煩神物護球瑯

一綫炎劉蹟易銷保殘守缺結情遙 朝廷前日哀金

石卻恨無人薦鄭樵

余前分纂金石略惜郡邑
申送簡略頗以挂漏爲憾

烟蘿不許闕精靈恍似波斯得未經轉笑傲山樓上客

未將游屐繪丹青

趙子函有訪古游記所載得
碑事頗相似所居有傲山樓

陸廣文森八十壽

早讀松陵詩雅愛天隨子徜徉笠澤間微名羞不仕著
意賦春寒雅尙今猶侈我友明溪翁道素接前軌蚤歲
盛文章詭遇賤卑飢晚爲學博官亦視若敝屣振衣還
故邱息影癸辛里閒參甲乙經旁涉滴天髓世事付諸
郎著書以沒齒今年八秩開三月鶯花美寒山想舊築
嵐翠正堆几何當從顏皮一醉草堂裡

輓僧宗一

夕照寺

壬子

三里河東路雲龕夕照延到門花覆地捫壁樹參天

陳松

畫松壁上禪月論詩集松風入雅弦如何一宿覺竟證小乘

禪

卓錫金臺下傳衣石室邊

本昌化石室寺僧

精嚴香象猛心性

慧珠圓墨喜修儒行慈能廣佛緣卽茲堪證入粥飯詎徒然

芳歲才開歷遺容儼在堂錫飛隨鶴化琴在痛人亡祇待餘高弟門庭澹夕陽他年間扣角欲話轉茫茫
撒手君偏早縣厓自在登憐余鑽紙盍還類觸窗蠅世
網蛛絲結衰容蛹繭增何當圖宴坐擬學啞羊僧

寄暢尋石圖爲羅介人作

石骨本天成頗似柳下介側聞此嘉名堂哉

帝所賚

園石舊稱美人石御改介石

烟雲含奇姿礫砢捍空界獨立

漪瀾堂突兀閎人代未遭端明供孰展海岳拜羅生江
東秀嗜好劇荒怪竭來渡京口若訪剡溪戴石交爲作
圖倚硯孤峰在坐令四壁空忽現挈雲槩守我不貪寶
不割秦人愛東海納袖中晴窗自相對湖鏡與菩提一
笑付天外

古意

旖旎雙鬟好嬌饒四美兼芙蓉微隱禱翡翠靜垂簾密
坐依珠戶閒來啓繡奩安排刀與尺檢點素和縑並擅
鍼神譽誰辭老女嫌絲看抽乙乙手或露摻摻寬窄憑

腰試綰回任綫添熨平知意細服衿稱裝嚴亦有寒砧
苦偏憐遠戍淹年華駒隙駛日影曉光暹錦字空勞寄
金箱嬾獨拈閒愁自難翦隱約上眉尖

奈竹西古藤書屋追暑宋芝山寫圖

竹西居近海北寺庭有古藤垂百尺不記葳蕤初種時
溜雨捎烟歲華易竹西住此頗有年卻與此花成主客
老蛟挈空作鱗而青鳳翔雲舒羽翼東風吹香意漸逞
穀雨破寒春有迹明璫百琲露珠攢錦段千章綺羅積
禮郁難辭舞蝶鬧繁英欲奪天桃色狂香容易墮芳塵
綠雲滿地尤標格盛夏天高風不來火雲怒張羲曜赫

門外軟紅況四塞人間何處清涼國主人此時亟命客
茶鼎酒尊開綺席涼生但覺翠葉動照眼忽驚衣袂碧
便來騷客恣狡獪兼復畫人工作劇霜婉煤麝不暇懶
粒米丹砂同一擲圖成紙上正淋漓子落庭前猶浙瀝
張船山硯緣圖張問陶編修有賜硯久失去及聘
婦奩贈卽此硯也硯有銘
因硯以得婦宜琴瑟友因婦以得硯宜子孫守硯兮硯
兮亦何慙於嘉耦

古意

好花明照眼幽事暗關心窄袖籠愁薄長眉釀恨深支
頤頓徙倚慧几又侵尋機有迴文錦欄流徹夜砧秋涼

人意迴天遠雁書沉聽處翻羞鏡挑時未許琴憎蛩傳
碎語遲鵲盼佳音綺歲傷漂泊天涯久滯淫何人工白
雪不惜費黃金惆悵詞空續沈吟敢不禁

戴上舍

經

春水居

新居卜就十三年隨分琴書取次便何必移船坐天上
文窗纔拓便浮天

柔櫓平湖蕩一枝蕩花菱葉柳絲絲何因喚起張春水
好爲君題絕妙詞

金風亭長舊詞科曾向鴛湖倡權歌不到秀州城外住
那知風味六鄉多

詩人合住春波里屈指誰家舊築存太僕前朝有遺韻
煩君一訪紫桃軒

瑤華道人四相圖

茫茫太虛空一身如一塵有身卽有我有我卽有人積
百千萬億壽者及衆生人各有一我我外悉是人乃以
有我故媿貪癡慢嗔故不得解脫如攪油麪勻他相亦
如是悉以有相分云何得解脫蓮花火際生云何得解
脫片月中天澄云何得解脫懸厓撒手行云何得解脫
洪濤舍筏登培我淨妙花結我智慧果游我八正途坐
我四禪座立之以等力降伏無敢悟無恃亦無慢不厭

三途苦無取亦無捨不慕長年壽以茲入涅槃而乃得
滅度四相歸無相永絕花翳附非惟四相無佛亦在何
處妙畫現種種如受菩提記我欲讚歎之撥捨皆剩義
不如捨一切言語及文字仰嗅梅林香不落聲聞界俛
睇幽蘭芬空山春自在冉冉竹有筠終日清風對采采
鞠有英不畏嚴霜敗天地只一馬給足不容芥是名菩
薩心不倍孔子戒海水有枯時此畫永不壞我說是偈
已花名正菱蕒居士默無言矯首孤雲外

題王鑑畫次吳穀人韻

筆入秋鷹細墨落瘦蛟黑巨然跡已陳廉州力猶偪蒼

烟四山排密樹一雲織挈音散空際欸乃破江色使我
狎鷗興時動懷山憶衰蒲與折葦歷歷總相識溪山信
清美婉嬾劇劓刻險韻踵淵穎硬語謝魯直

上巳口同人讌集城南王侍御寬適至有作次韻
深杯漱漱醪浮泡逸韻鏗如奏玉菓西施看門憐昔夢
雲停天末憶初交已將燕翼親相付呈養魚須老便拋
猿鶴久應知出處不煩蘿月暗相照

樹裏芭蕉水上泡可憐身世鳥營巢老懷正藉樂陶寫
良友幸無書絕交忽見瘦筇天外落已看愁雪酒邊拋
守元蒙自慙揚子拓落煩君獻一嘲

集東坡句贈徐六丈

已向閒中作地仙坐觀萬景得天全遙知小檻臨塵市
折得奇葩晚更妍

頗怪先生日日閒青春不覺老朱顏年拋造物陶甄外
心在飛鴻滅沒間

朱少仙以詞來索墨戲爲寫蘭并附一詩

世味年來薄似紗嬾將詞翰鬪芳華新詞比似春風健
一夜吹開九畹花

王述菴少寇解組寫蘭贈之

風流儒雅信吾師甘載同朝識恨遲祖帳在門重握手

幽蘭一卷當將離

王生雞毛筆

居然圓健復尖齊雅稱幽人佐赫蹠立傳未甘隨狡兔
臨池誰敢賤家雞囊中守黑雄姿在窗外談元舊夢迷
不數宣城矜變樣文明從此謝卑棲

蔣文肅棘蘭圖

蘭生藜棘中刺促苦縛覘雖未化資施正氣日屯蹇坐
令伯夷清泥塗困冠冕何事南沙翁點筆意已舛又從
爲之辭功罪略條件蘭性縱無傷所得亦已淺以此宰
天下得失較早辨咄哉王荊公首囚而足跣呂韓日汲

引正類懼不免我展棘蘭圖榛莽願鋤翦

又咏雞毛筆

酉神德與卯君齊文陣揮如試駿蹄片羽來親河北紙
前塵還憶汝南雞鶴書馳去文逾壯鳳詔批時采欲迷
書罷瀟瀟聽風雨絕憐同輩正羈棲

四境聲聞地數齊一毛拔似挹涪蹄銳能入木常依竹
健欲摩天不逐雞憶昔淮南隨羽化祇今硯北戀蕉迷
玉堂合贈東坡老鸞鵠清才尙棘棲

許鶴汀石門道中賦詩有女兒亭畔路山水亦紅
顏之句繪以爲圖索賦

小艇輕裝過石門緣波如鏡了無痕誰將淡雨踈烟意
畫出溪山一段魂

秀州城外我曾過秋水盈盈翦越羅柳似鬢絲湖似鏡
不關人處客愁多

趙味辛舍人儻寓海北寺街古藤書屋竹垞翁舊
寓也而西鄰余氏亦有古藤或亦以爲竹垞之居
舍人作詩正之而屬同人和焉

去年余生邀看花虬枝一架絢明霞今年趙子亦折簡
半樹卻作乘風榼兩家之花近比屋欲論伯仲年殊遐
主人對客嫌花少我見花開踈亦好狂香不召游蜂來

漏月篩風插晴昊論詩東野劇荒寒作畫倪迂尙枯槁
始知老樹性情真不肯弄姿矜窈窕東皇迴春略寫意
正與我詩同草草主人指點屋三間當時曾住鴛湖老
甘棠不許蔭他人佐以新詩恣稽討鴛湖老去跡已陳
眼底香風盪綠雲我向花前謀一醉去年今日顏同頰
花多花少了不嗔花前況復當年人

袁生品荔圖

綠雲千疊堆成帷含苞頰鳳臨風漪炎州蜚雨五月暮
正是仙子初逞丹顏時榕陰蔽天白日靜細擘輕紅如
撒錦左車明日且拚搖細嚼檳榔助嚴冷

錢忠懿王金塗塔

陳肖生拓本屬題

割據英雄事安全伯主心璽書才鑄鐵佛塔重塗金精
爽猶憑此曇摩儼照臨還應同寶石歸絕插湖岑

深文捫款識紀數比恒河

款云吳越國王錢宏俶敬造
八萬四千寶塔乙卯歲記

精絕龍天相流傳歲月多

乙卯乃周顯德二年至今
歲甲寅積八百四十年矣海

艘空玉帛

宋受命後吳越
嘗以海運入貢

湖寺半銅駝鑄像南閩事興

亡較若何

南閩王昶好巫嘗以
金鑄天皇元始諸像

早讀方泉詠前經白石藏

姜白石藏忠懿金塗塔
周文璞爲作七言古

芋羹

同展禮

芋羹見
周詩

笳鼓想來王昔已珍中禁今尤重吉光

哦詩爲佛事未敢擬堯章

陳生傳拓本金石癖偏饒佛閣幢猶在

杭雲林寺有王所立佛閣寶幢

願

三樓蹟已銷

武肅嘗建玉冊金券詔書三樓

須彌畱芥子偉畫挾秋

潮史局遺哀錄榦疎媿鄭樵

余前纂續通志金石略一門此塔有司未嘗申送借

未之載

陳肖生齋中七夕小集

銀河耿素秋輕颺動瑤席空庭碧樹陰冷露玉除滴人
間感芳辰天上展良覲素心此偶聯茲夕肯虛擲清輝
好光景繁吹自悲激不惜年矢催但恐杯行窄須臾月
西頽悵望美人隔相思與別懷寸心常脈脈遙憐兒女
情敷衽綺窗寂舉袖弄雙鉞明星燦猶歷

姚筠圃讀易樓

書以道政事詩以理性情易不爲典要哀然冠諸經彌
綸徧宇宙酬酢通神明羲文與周孔歷聖傳精靈所以
下學者服習終身行觀象復玩占開物務以成我友子
姚子媚學無俗營高樓富細帙南面圍書城讀書識本
末守此尤邃精韋編知幾絕希闕道義門研朱日展誦
不讓揚雄亭謁來已數載消息窺虛盈處效寸蘄屈出
擬茅茹征茲焉重服政將發東齊旌初協嘉遯吉今何
天衢亨回首斯樓外寒梅行數英天心見數點因之悟

元貞

楊米人明府觀津祈雨圖

圖則九重雲擁之元綱肅穆虛皇持巫咸上訴叫不應
仰睇詆蕩空嗟咨小臣下界蠶蚕耳縱勞呼籲難敷詞
豈知溟滓鑿有赫賴有精誠通冥莫周髀難測幾層高
呼吸不曾違咫尺觀津仰膏已半載百穀焦枯農蹙額
魑疑爲虐旱太甚龍若無靈源已塞祠官空作大雩舞
繁露徒陳縱陰策老叟忽來衡水陽驅龍自詡如驅羊
高臺疊几百丈強葦城周遭若堵墻柳冠草屢臨齋莊
不須妄誕焚巫尪綠章才上三垣旁紫壇喻霍靈臈翔
幽潭嬾龍不敢藏踏翻羲轡歛無光豐隆列缺互騰驤

元珠噴下聲琅琅田疇渥足盈溝潢三日大慰三農望
撤壇矯首謝天力老人之術何神明老人再拜謝不敏
我無其德降此康請爲老人對以臆中必不遠非荒唐
使君自有隨車雨世上原無禳旱方

印色盒銘

母竭汝膏我名託汝以常昭

又銘

紫泥一盃煥我圖書

黃左田農部仿沈石田卷卽用石田韻

農部胸中好邱壑興來點筆溪山新不圖嘉慶初元日

重見平安舊酒人

沈石田有平安亭

白髮青春原不負今時古

月本來真請看墨汁淋漓甚豈但杯痕污葛巾

駱佩香課女圖

空庭宿草腓永夜哀蛩弔陽春慘枯瘁白日悲風嘯孤
幃素壁垂冷醖寒檝照彼姝抱遺編忽復就衰老傳經
藐遺孤弱女美要眇不求飭石榮豈欲俊秀造目前聊
用慰苦勉亦稍稍南鄰有諸郎居諸付狂漂襟裾盛楚
楚馬牛惜晚悼哀哉恤緯賢令德諒來教

遲燕詞

春分後八日燕未至作此詩也

丙辰

拂拭輕塵啓夕窗遲他來認舊泥香桃花粉已飄紅雨

柳絮綿多點綠塘也有交情同主客絕憐家世太尋常
天涯遮莫迷芳訊閒殺花間舊草堂

陌上春深草漸芳依稀軟語費商量卷簾但有楊花入
聽雨空垂翠幙長漂泊祇憐同蕩子因循不怕悞流光
橫眠一榻黃昏近手把殘書對屋梁

擬燕峇

次日燕來又賦此也

茨檐乍到認偏真識得年前舊主人硯北慣聽吟短句
花陰頻見惜芳辰五侯華屋空前度廿載紅樓悟夙因
一事惱公休作惡烏衣如舊鬢絲新

輕盈猶是掌中身小別經年見倍親門戶自來難倚傍

人情到底有新陳幾番客見華堂散若個人來舊雨頻
許我雙棲憑翼子不嫌湫隘不嫌貧

魏秋浦桂巖小隱

集文選

小隱隱陵藪

王康
琚

所在可游盤

歐陽
建

閒居玩萬物

張
協聊

且憑化遷

淵
明

屯雲蔽層嶺

惠
連

桂樹凌寒山

靈
運

秋風吐商

氣

張
載

修條摩蒼天

曹
丕

開花已匝樹

沈
約

結根奧且堅

陸
機芳

馨良夜發

蘇
武

高岸被華丹

機

三五明月滿

絕頂復孤圓

沈

鱗鱗夕雲起餘芳隨風捐

機

平明振衣坐

謝
朓

峭蒨青

葱間

左
思

摘芳愛氣馥

江
淹

嚼蕊挹飛泉

郭
璞

時還讀我書

淵
明

惠心清且閒

機

慶彼晚彫福

機

得盡養生年

靈
運

韓約素名印

梁千秋姬人鈿閣女子也司馬中翰索題

小印傳來鈿閣中
芝泥疑染口脂紅
龍臙枉說劉娘子
可與韓姬一樣工

篆籀商量妙伎同
傳聞夫婿有梁鴻
姓名未肯銷磨盡
一紙珍如古鼎鐘

軼事曾拈櫟下翁
莫將頑石故愁儂
晴窗想見金刀落
弱腕難禁玉釧鬆

嗜古探奇司馬公
要將詩句溯流風
一池春水干何事
笑煞人生雪裏鴻

胡城東夢李昌谷
見訪示游仙詩卅首
胡亦和韻

醒記其五首李詩則全忘之矣

天上樓高駕玉龍更無人賦漢金銅清才後出胡夫子
心有靈犀一點通

長爪修眉尙儼然琅琅三十小游仙夢神怕洩天驚句
空說王孫集外篇

古錦函裝冰雪詞不誇鬼唱鮑家時他年若要徵佳序
我是三生杜牧之

酣睡都忘玉漏催秋齋懶與月徘徊平生不解嘔心血
只許頑仙入夢來

吳巖客梅花卷

梅之英兮重華燦璧跗兮秀莠芳菲菲兮正以葩蔽一
言兮思無邪客冷坐兮誰耶蹇思君兮天之涯隔千里
兮夢奢況九陌兮吹塵沙車馬兮喧挐不如歸去兮餐
雲霞臣有扁舟兮牀筆竈茶挹蘇耽之高致兮吟林逋
之橫斜天都之山兮匪遐落梅之風兮君還家時君將歸

祝貞女哀詞

海之水兮湯湯不如女之志兮潔以光龕楮之山兮蒼
蒼不如女之行兮烈以芳壻之存兮餅無儲糧壻之亡
兮有姑在牀將以殉兮匪道之賊聊隱忍兮人曰未亡
胡天不弔兮洊降之殃盜入我室兮肱簾與篋暨災我

躬兮據膏與育恨填膺兮涕浪浪漆燈有酸兮白日無
芒終投環以畢志兮從風詩之共姜心指松柏兮節指
蒼筤白玉失其貞素兮蘭芷爲之不香願告惇史兮百
世無忘

戲題賈素齋詩冢詩

顧晴沙選梁谿詩人詩前後得一千一百餘家
書成賈素齋埋其稿於山之陽名曰詩冢云

無端四尺表幽宮故紙堆如馬鬣豐何事干御風漾水
無情任爾雪畱鴻煙雲變滅知何限忠烈衣冠訝許同
生怕斲輪人齒冷要將糟魄問威公

能詩本是癡人事想到埋詩事更癡脈望忍飢空悵望
長恩無主廢監司山川鬱勃羣公在風雨迷離過客知
何日梁谿容泛櫂也思攜菊薦秋卮

六根清淨圖

藐然一身賊我者六以一御六勢苦不足道在我心泊
然寡營守虛致寂以淨六根六根既淨七情斯正任彼
憧憧莫或我病毋盜我鼎毋傷我珠菩提證釋克復歸
儒

諸葛崧抱膝吟稿

征衫憔悴髻添霜意氣平收錦一囊不向風塵羞落魄

肯虛日月負昂藏家風抱鄒吟梁父執友齊眉得孟光
他日若逢徐孝穆唱隨同播玉臺芳

君室程亦能詩

林仙吟草

諸葛夫人也

才讀秦嘉贈婦篇又看徐淑擘新牋庭前勝種萱蘇草
消盡清愁鏡匣邊

紙閣蘆簾宴坐時掃眉常自對撚髭閨中添個推敲友
不羨松陵唱和詩

黃蒼雅印譜

鄧尉龍泓絕伎能一時壁壘劇飛騰絕憐晚出黃蒼雅
獨拔螯弧一幟登

舉世難逢櫟下生飛鴻好似信將兵若從賴古徵佳傳
肯許姜程浪得名

小學偏旁較核精都憑叔重作長城豈知繆篆源流別
更有偏師自制羸

耳食漢秦收贖鼎貌求吾趙笑癡符誠明自有中和氣
寸鐵能將大雅扶

風箏仕女

春宵已試上元燈樂事韶年取次增弱綫慣從慈母乞
長風也學丈夫乘憐余白日堂堂去看爾青雲冉冉升
細雨冷烟寒食近錫簫吹又徧江塍

董小池小影贊

少而仕忤上官拂衣去尋古歡三蒼爾雅日討研孟皇
叔重伯仲閒蒯緱短後青山邊南走楚蜀北走燕山陰
巖壑亦大好歸哉好演玉杯篇

法時帆求畫詩龕圖

我畫任意不求似強號詩龕亦聽渠卻有拂雲三兩樹
更添插架縱橫書荒寒雅稱清吟苦蕭淡嫌非顯者居
頗記商量問奇字每因朝罷一停車

憫忠寺分賦蘇靈芝寶塔頌

初地春猶寂唐碑迹未湮論書先玉局召亂續金輪史

闕難徵實文刊易失真何如中興頌鉅筆照溥濟

王溥泉擁書圖

玉府珠林照座光擁書南面勝侯王
嬋嬾昔有烟霞護冊府新看玳瑁裝
碧簡曉含雲醜鵠牙籤風動韻琳瑯
讀從秋樹詩應好倦置匡牀夢亦香
慣與長思司筦鑰略隨脈望論行藏
正如宴坐名賢側絕勝橫陳錦瑟旁
天祿定期窺祕笈家聲重許煥青箱
一瓩準倩鈔胥手好啓紗幬試一量

方太守

維祺

觀我圖

至道無名化人無相我本微塵觀亦影響觀我之義大

易垂象心鏡常瑩燭物斯曠以之觀民四海可放以之
觀化六幕咸暢以之觀性心齋坐忘諒哉我友具妙明
想吾自見吾周旋揖讓退則偕藏進亦同往幻不離真
一自生兩明鏡鸞窺秋潭月漾作如是觀天開日朗

唐明府

仲冕

寓鶴軒

平江之水平於鏡文章太守揚州來不載清琴載野鶴
蓬櫂可惜無烟苔使君雅結緇衣好館以閒房分鶴料
使君如主鶴如賓清唳松陰助吟嘯太守辭歸鶴亦去
玉羽崑邱淨如埽官齋畱得雪泥痕丹青忽覩仙裳縞
朋儕競賦寓鶴詩騁祕抽妍各清妙使君賢過邠州守

梅之英兮重華燦璧跗兮秀萼芳菲菲兮正以葩蔽一
言兮思無邪客冷坐兮誰耶蹇思君兮天之涯隔千里
兮夢奢況九陌兮吹塵沙車馬兮喧挐不如歸去兮餐
雲霞臣有扁舟兮牀筆竈茶挹蘇航之高致兮吟林逋
之橫斜天都之山兮匪遐落梅之風兮君還家

時君將歸

祝貞女哀詞

海之水兮湯湯不如女之志兮潔以光龕楮之山兮蒼
蒼不如女之行兮烈以芳壻之存兮餅無儲糧壻之亡
兮有姑在牀將以殉兮匪道之賊聊隱忍兮人曰未亡
胡天不弔兮洊降之殃盜入我室兮肱羸與筐豎災我

躬兮據膏與育恨填膺兮涕浪浪漆燈有酸兮白日無
芒終投環以畢志兮從風詩之共姜心指松柏兮節指
蒼簣白玉失其貞素兮蘭芷爲之不香願告惇史兮百
世無忘

戲題賈素齋詩冢詩

顧晴沙選梁谿詩人詩前後得一千一百餘家
書成賈素齋埋其稿於山之陽名曰詩冢云

無端四尺表幽宮故紙堆如馬鬣豐何事干御風漾水
無情任爾雪畱鴻煙雲變滅知何限忠烈衣冠訝許同
生怕斲輪人齒冷要將糟魄問威公

能詩本是癡人事想到埋詩事更癡脈望忍飢空悵望
長恩無主廢監司山川鬱勃羣公在風雨迷離過客知
何日梁谿容泛櫂也思攜菊薦秋卮

六根清淨圖

藐然一身賊我者六以一御六勢苦不足道在我心泊
然寡營守虛致寂以淨六根六根既淨七情斯正任彼
憧憧莫或我病毋盜我鼎毋傷我珠菩提證釋克復歸
儒

諸葛崧抱膝吟稿

征衫憔悴鬢添霜意氣平收錦一囊不向風塵羞落魄

肯虛日月負昂藏家風抱鄒吟梁父執友齊眉得孟光
他日若逢徐孝穆唱隨同播玉臺芳

君室程亦能詩

林仙吟草

諸葛夫人也

才讀秦嘉贈婦篇又看徐淑擘新牋庭前勝種萱蘇草
消盡清愁鏡匣邊

紙閣蘆簾宴坐時掃眉常自對撚髭閨中添個推敲友
不羨松陵唱和詩

黃蒼雅印譜

鄧尉龍泓絕伎能一時壁壘劇飛騰絕憐晚出黃蒼雅
獨拔螯弧一幟登

舉世難逢櫟下生飛鴻好似信將兵若從賴古徵佳傳
肯許姜程浪得名

小學偏旁較核精都憑叔重作長城豈知繆篆源流別
更有偏師自制羸

耳食漢秦收廣鼎貌求吾趙笑癡符誠明自有中和氣
寸鐵能將大雅扶

風箏仕女

春宵已試上元燈樂事韶年取次增弱綫慣從慈母乞
長風也學丈夫乘憐余白日堂堂去看爾青雲冉冉升
細雨冷烟寒食近錫簫吹又徧江塍

董小池小影贊

少而仕忤上官拂衣去尋古歡三蒼爾雅日討研孟皇
叔重伯仲間蒯緱短後青山邊南走楚蜀北走燕山陰
巖壑亦大好歸哉好演玉杯篇

法時帆求畫詩龕圖

我畫任意不求似強號詩龕亦聽渠卻有拂雲三兩樹
更添插架縱橫書荒寒雅稱清吟苦蕭淡嫌非顯者居
頗記商量問奇字每因朝罷一停車

憫忠寺分賦蘇靈芝寶塔頌

初地春猶寂唐碑迹未湮論書先玉局召亂續金輪史

闕難徵實文刊易失真何如中興頌鉅筆照溥溥

王溥泉擁書圖

玉府珠林照座光擁書南面勝侯王
娜嬛昔有烟霞護冊府新看玳瑁裝
碧簡曉含雲鬢鵲牙籤風動韻琳瑯
讀從秋樹詩應好倦置匡牀夢亦香
慣與長恩司筦鑰略隨脈望論行藏
正如宴坐名賢側絕勝橫陳錦瑟旁
天祿定期窺祕笈家聲重許煥青箱
一紙準倩鈔胥手好啓紗幮試一量

方太守

維祺

觀我圖

至道無名化人無相我本微塵觀亦影響觀我之義大

易垂象心鏡常瑩燭物斯曠以之觀民四海可放以之
觀化六幕咸暢以之觀性心齋坐忘諒哉我友具妙明
想吾自見吾周旋揖讓退則偕藏進亦同往幻不離真
一自生兩明鏡鸞窺秋潭月漾作如是觀天開日朗

唐明府

仲冕

寓鶴軒

平江之水平於鏡文章太守揚州來不載清琴載野鶴
蓬櫳可惜無烟苔使君雅結緇衣好館以閒房分鶴料
使君如主鶴如賓清唳松陰助吟嘯太守辭歸鶴亦去
玉羽崑邱淨如埽官齋畱得雪泥痕丹青忽覩仙裳縞
朋儕競賦寓鶴詩騁祕抽妍各清妙使君賢過邠州守

清聲洋溢州民口定有來翔鶴滿庭豈徒假館畱仙文
吾聞鶴性非常倫羈之不可矧肯馴一翔一止華池濱
青田碧草漫舒翼縱橫八極難追尋稻梁豈屑隨雞羣
偶然戢翼非依人昌黎見道苦未真感二鳥賦徒紛紜

唐明府漱澣圖

佛以八解水浴此无垢人既云無垢滓胡復湔滌頻在
涅貴不淄浴德又日新譬之光明錦色借岷江濱譬之
冰蠶絲凍以澆水勤吾友具體素昭質無纖塵學古乃
入官精義以入神
自新而新民加功復去
垢潔齊先一身公羊亦剩義無取陳言陳仰睇太素宇

皎潔無冬春

黃堯圃孝廉擔書圖

一室幽閒寄市橋市聲沓雜似春潮豈知兀坐虛堂者
日對丹鉛不厭囂

獨於遺冊恣幽尋別有酸鹹遠俗心東觀異時添著錄

精嚴應號小雲林

黃長府號雲林

輜重何須薄笨車縹囊都付小溪挈移居圖好無人畫
空寫仙翁賦子虛

奕奕牙籤千頃堂絳雲樓後好儲藏代興畱得宗風在
善本都從手校將

奚鐵生畫紫薇

蒙泉老畫師筆力素倣詭劇飲從任誕酒氣雜煙水有
時寫折枝突過雲溪史遠闖黃徐席近奪仇唐壘秋風
逗初涼晚日澹清美照眼紅薇威蕤艷芳蘼微雲濕
瑤光半規忽垂委依稀紫微郎昏對珠肥畫成琢短
句詩情亦綺靡尺幅不厭少清發妙理倘遇張青父
百琲明珠擬

姚官之小照

消受江湖浩蕩秋荻花蘆葉雨悠悠扁舟不盡滄洲趣
卻笑征鴻爲稻謀

平沙折葦漸秋深寫出孤吟澤畔心雲外數聲流遠響
似來天際和琴音

蘆中窮士漫嗟哀投老歸來興未灰從此西湖狎鷗鷺
任他遠渚叫雲來

君似霜鴻歸有信我如風鶴退還飛相看格是頭俱白
未信朝衫勝草衣

吳禮部竹橋著書圖

開逕延三益素心不可期蠟屐凌五岳濟勝或告疲不
如掩書坐終歲扁雙扉所慮衣食窘有時珪組羈草積
漸荒徑書暗浸塵緇鼎鼎百年內雲壑還何時

夫君體貞素委懷鄰太初玉堂偶然耳逸翮矧可斂駕
言歸衡茆歎咏密自娛高義抗服鄭元著超程朱漸見
書等身豈煩人造廬但有湖田詞唱徹傾城姝

我息奔星駕來停問字轍僂指溯朋儕雲星澹飄滅長
懷傾向君往事難具說亭亭海虞山嵐翠當戶列日夕
付孤斟幽靚蕩煩熱畫幃凌晨開如復見山潔

梁弓子鳳麓讀書

郭外名山接大江江山如畫信吾邦讀書燈裏聽寒雨
正送潮聲到晚窗

鳳皇山下讀書堂喬木參天盡老蒼書種清門傳奕葉

不須人侈午橋莊

清勤舊宇最清芬
三世論交比紀羣
雛鳳近來新刷羽
人言詞筆已凌雲

仕女

心事難憑雉角媒
相思入骨未全灰
春宵獨立花陰下
手把明瓊擲一回

淺炷爐香掃石苔
杏花偏向晚妝開
臨風有句何人聽
知是西廂待月來

袁又愷齋頭紅蕙

巧將顏色借春林
粧點湘南百畝陰
曉色半含清露重

花光全映落霞沈，凝紅乍染湘妃淚。披蓋如傳屈子心，
莫怪羅含耽著句。幽芳難向碧蘿尋。

杏花畱雨作春寒

最諳春意緒，只有杏風流。破暖知難駐，禁寒巧欲畱。
雨情偏繾綣，花意太綢繆。擬倩輕雲閣，還防薄靄收。
廉纖深巷寂，飄瞥小庭幽。未斷熏爐火，休將繡幙鉤。
胭脂憑染透，蓓蕾已穠稠。試啓瓊窗望，嬌紅滿樹頭。

九客圖者程魚門、周林汲、兩編修、景毅、江王鎮之、
兩吏部、沈南雷、任子田、兩禮部、陳伯思、比部、鄭秋、
谷錢、南園、兩侍御也。爲廩延申淑泮寫圖在王鎮

之處鎮之爲蘇藩遷安徽巡撫臨別示余因作
是何意態雄且傑昔日同朝我心折中丞畱得雪鴻痕
生面人人詫殊絕龍生九子鳳九雛乾元用九數則符
才難自是至人語驂駟安用陪駘驚君看九客之圖儼
如昨顯晦存亡風捲穉文章氣誼各錚錚松柏結交眞
不忤何必儀形寫麟閣

石門湯春橋卷子

飛梅和雪灑山椒驢背敲鞭驛路遙爲有新詩待收拾
塵衣風帽灞陵橋

聞說西行不到秦如何偏寫灞橋春詩人自愛騎驢好

又見逍遙畫裏身

侍女鳳姑母欲遣嫁請去詩

朝雲終事大蘇翁始自錢塘老粵東甚欲相畱苦無計
庭前原未種梧桐

清平樂

江湖廣濶波浪掀天濕萬里雄心原許說爭奈晚來風
急 何如一葉扁舟蘆花明月芳洲看到月沉西嶺臥
聽瑟瑟鳴秋

踏莎行

紅綻櫻珠青肥豆莢花前曾舉畱春竿悠颺昔夢淡於

塵一痕猶在心頭也 暝泥餘春寒欺淺夏隔簾雨又
瀟瀟下明朝待草瘞花銘絮痕生怕相思惹

朱春亭於席邱山浜構溪山書屋爲圖索賦得絕

句三首

占得山浜地一弓臨流結屋輞川同生憎綠樹紅橋并
畫舫笙歌盡日風

嵐光塔影照雲楣喜傍東山短簿祠茶具筆牀粗辦了
主人疑是陸天隨

檀板金樽日日狂獨於塵外闢茅堂書成好贖珊瑚網
定有人輸異域香